

58.

Na osnovu člana 18. stav (1) Zakona o kantonalnim ministarstvima i drugim tijelima uprave („Službene novine Zeničko-dobojskog kantona“, broj: 10/15), a u vezi sa članom 38. stav (2) i članom 173. stav (2) alineja f) Zakona o srednjoj školi („Službene novine Zeničko-dobojskog kantona“, broj: 9/17), Ministarstvo za obrazovanje, nauku, kulturu i sport Zeničko-dobojskog kantona d o n o s i:

PRAVILNIK O UTVRĐIVANJU USLOVA ZA IZVOĐENJE PRAKTIČNE NASTAVE IZVAN ŠKOLE

I. OPĆE ODREDBE

Član 1. (Predmet)

- (1) Ovim Pravilnikom se uređuju način i uslovi izvođenja praktične nastave koja se izvodi izvan škola srednjeg stručnog obrazovanja i obuke na području Zeničko-dobojskog kantona (u daljem tekstu: Kanton), tj. praktične nastave koja se izvodi kod privrednih subjekata, te utvrđuju ciljevi, trajanje i fond sati praktične nastave, uloga i obaveze srednje stručno-obrazovne škole i privrednog subjekta, ovlaštenja i obaveze uključenih aktera u organizovanje i izvođenje praktične nastave kod privrednog subjekta, uslovi za organizovanje praktične nastave kod privrednog subjekta, ocjenjivanje učenika, sadržaj i obrasci Ugovora o saradnji između škole i privrednog subjekta, Ugovora o izvođenju praktične nastave kod privrednog subjekta, obrasci za raskid ugovora, te druga pitanja od značaja za organizaciju i izvođenje praktične nastave kod privrednih subjekata.
- (2) Gramatička terminologija korištenja muškog i ženskog roda za pojmove u ovom Pravilniku uključuje oba spola.

Član 2. (Značenje pojedinih pojmova)

Pojmovi koji se koriste u ovom Pravilniku imaju sljedeće značenje:

- a) Koordinator praktične nastave (u daljnjem tekstu: koordinator) je lice koje je u radnom odnosu u školi, a koje koordinira praktičnu nastavu koja se izvodi kod privrednih subjekata.

- b) Nastavnik praktične nastave je lice koje je u radnom odnosu u školi, a koje je kvalifikovano za izvođenje praktične nastave određenog zanimanja/zvanja.
- c) Privredni subjekt je privredno društvo, ustanova ili obrtnik koji ispunjava propisane uslove za izvođenje praktične nastave.
- d) Mentor je lice koje je zaposleno kod privrednog subjekta ili lice koje samostalno obavlja djelatnost, odgovorno za organizaciju, vođenje i praćenje praktične nastave koja se izvodi kod privrednog subjekta.
- e) Plan izvođenja praktične nastave kod privrednog subjekta – (u daljnjem tekstu: Plan izvođenja praktične nastave) je pisani dokument koji se donosi u saradnji škole i privrednog subjekta, kojim se utvrđuje sadržajni i vremenski raspored izvođenja praktične nastave kod privrednog subjekta.
- f) Praktična nastava je oblik nastave koji se izvodi kod privrednih subjekata koji imaju odgovarajuću savremenu opremu, tehničko-tehnološka sredstva i druge odgovarajuće uslove u skladu s nastavnim planom i programom određenog zanimanja i Planom izvođenja praktične nastave, u cilju usvajanja stručnih znanja i vještina neophodnih za sticanje III ili IV stepena stručne spreme.
- g) Ugovor o saradnji između škole i privrednog subjekta (u daljnjem tekstu: Ugovor o saradnji) je ugovor zaključen u pisanom obliku kojim se uređuju međusobni odnosi, prava i obaveze škole i privrednog subjekta u vezi sa organizacijom i izvođenjem praktične nastave učenika kod privrednog subjekta, sačinjen u skladu sa odredbama člana 21. ovog Pravilnika.
- h) Ugovor o izvođenju praktične nastave kod privrednog subjekta (u daljnjem tekstu: Ugovor o izvođenju praktične nastave) je ugovor zaključen u pisanoj formi između privrednog subjekta, škole i učenika odnosno roditelja/staratelja učenika, kojim se uređuju međusobni odnosi, prava i obaveze učenika, odnosno roditelja/staratelja učenika, škole i privrednog subjekta povodom izvođenja praktične nastave sačinjen u skladu sa članom 22. ovog Pravilnika.
- i) Škola srednjeg stručnog obrazovanja i obuke (u daljnjem tekstu: škola) je srednja tehnička, stručna i mješovita škola, kao i druge vrste škola koje ispunjavaju uslove za obavljanje odgojno-obrazovne djelatnosti, u skladu sa odgovarajućim zakonima i podzakonskim aktima, a u kojoj se, u skladu sa nastavnim planom i programom, izvodi praktična nastava.

Član 3. (Osnovni cilj)

Osnovni cilj donošenja Pravilnika jeste regulisanje načina i uslova organizovanja i izvođenja praktične nastave koja se izvodi izvan škola na području Kantona, tj. praktične nastave koja se izvodi kod privrednih subjekata.

Član 4. (Posebni ciljevi)

Posebni ciljevi donošenja Pravilnika su:

- a) Osiguranje uslova za sticanje, usavršavanje i razvoj stručnih znanja i vještina u skladu sa potrebama i kretanjima na tržištu rada;
- b) Doprinos jačanju konkurentnosti privrede Kantona i privrede Bosne i Hercegovine;
- c) Doprinos osiguranju uslova za zapošljavanje po završetku srednjeg stručnog obrazovanja i obuke, daljnje obrazovanje i cjeloživotno učenje;
- d) Promocija i razvoj poduzetništva, profesionalnog i karijernog razvoja kod mladih;
- e) Usaglašavanje potreba između srednjeg stručnog obrazovanja i obuke i tržišta rada na nivou Kantona.

II. IZVOĐENJE PRAKTIČNE NASTAVE KOD PRIVREDNOG SUBJEKTA

Član 5. (Uslovi za izvođenje praktične nastave kod privrednog subjekta)

- (1) Praktična nastava se može izvoditi kod privrednog subjekta ukoliko privredni subjekt ispunjava sljedeće uslove:
 - a) ako obavlja djelatnost koja omogućava prenošenje na učenike stručnih znanja i vještina čije sticanje je predviđeno programskim sadržajem propisanim nastavnim planom i programom i Planom izvođenja praktične nastave,
 - b) ako raspolaže prostorom, opremom i odgovarajućim sredstvima za obrazovanje određenog obrazovnog profila u skladu sa nastavnim planom i programom,
 - c) ako za potrebe izvođenja praktične nastave odredi mentora koji ispunjava uslove definisane ovim Pravilnikom,

d) ako obezbjeđuje mjere zaštite na radu u skladu sa propisima koji regulišu oblast zaštite na radu.

- (2) Ispunjenost uslova iz stava 1. ovog člana utvrđuje tim škole kojeg čine direktor, nastavnik praktične nastave i koordinator, prije zaključivanja Ugovora o saradnji i Ugovora o izvođenju praktične nastave.

Član 6. (Izvođenje praktične nastave)

Praktična nastava kod privrednog subjekta se izvodi u skladu sa Zakonom o srednjoj školi Zeničko-dobojskog kantona (u daljem tekstu: Zakon), odredbama ovog Pravilnika, nastavnim planom i programom za određeni obrazovni profil, Planom izvođenja praktične nastave, Ugovorom o saradnji i Ugovorom o izvođenju praktične nastave.

Član 7. (Plan izvođenja praktične nastave)

- (1) Plan izvođenja praktične nastave definiše praktične programske sadržaje koje je privredni subjekt u mogućnosti da realizuje u svojim prostorijama, imajući u vidu opremljenost i ospobljenost privrednog subjekta za organizaciju i izvođenje praktične nastave.
- (2) Planom izvođenja praktične nastave definiše se sadržajni i vremenski raspored izvođenja praktične nastave, način realizacije po mjestima izvođenja i evidencija realizacije izvođenja, a isti se donosi u saradnji škole i privrednog subjekta.
- (3) Plan izvođenja praktične nastave temelji se na sadržajima i/ili ishodima učenja iz nastavnog plana i programa praktične nastave odgovarajućeg zanimanja.
- (4) Plan izvođenja praktične nastave utvrđuju koordinator, nastavnik praktične nastave i mentor.
- (5) Plan izvođenja praktične nastave je sastavni dio Ugovora o saradnji.
- (6) Potpisivanjem Ugovora o saradnji privredni subjekt se obavezuje na realizaciju Plana izvođenja praktične nastave, uz pomoć i u saradnji sa koordinatorom.

Član 8.**(Trajanje i fond sati praktične nastave)**

- (1) Nastavni sat općeobrazovne, stručno-teorijske i praktične nastave traje 45 minuta.
- (2) Škola je dužna osigurati da ukupno opterećenje učenika nastavom i ostalim vidovima neposrednog odgojno-obrazovnog rada ne može iznositi više od 35 nastavnih sati sedmično, te da u toku dana učenik ne može imati više od sedam nastavnih sati praktične nastave.
- (3) Praktična nastava kod privrednog subjekta se može realizirati u vremenskom periodu od 07 do 19 sati u petodnevnoj radnoj sedmici.
- (4) Ako praktična nastava kod privrednog subjekta kontinuirano traje četiri ili više sati dnevno, učenicima se mora osigurati najmanje 30 minuta dnevnog odmora.

Član 9.**(Mjere zaštite na radu)**

- (1) Maloljetni učenik ne može obavljati praktičnu nastavu na naročito teškim fizičkim poslovima, radovima pod zemljom ili pod vodom, ni na ostalim poslovima koji bi mogli štetno i sa povećanim rizikom da utiču na njegov život i zdravlje, razvoj i moral, s obzirom na njegove psihofizičke osobine u skladu sa važećim zakonskim i podzakonskim propisima.
- (2) Punoljetan učenik može obavljati praktičnu nastavu na poslovima određenih radnih mjesta sa posebnim uslovima rada uz provođenje specifičnih mjera zaštite na radu i uz podvrgavanje propisanim ljekarskim pregledima u skladu sa propisima iz oblasti zaštite na radu.
- (3) Prije početka izvođenja praktične nastave učenici moraju usvojiti sadržaje iz osnova zaštite na radu propisane nastavnim planom i programom, odnosno internim aktima privrednog subjekta u slučajevima kada se praktična nastava ili njen dio izvodi kod privrednog subjekta.
- (4) Kod izvođenja svake pojedinačne aktivnosti tokom izvođenja praktične nastave, učenik mora biti upoznat s izvorima opasnosti, usvajati postupke rada na siguran način i primijeniti zaštitna sredstva u skladu sa važećim propisima kojima se uređuje sigurnost i zaštita na radu.

Član 10.**(Nadzor nad izvođenjem praktične nastave kod privrednog subjekta)**

Praktična nastava kod privrednog subjekta se obavlja pod nadzorom mentora, osim ako Ugovorom o saradnji nije drugačije utvrđeno.

Član 11.**(Finansijska nagrada učenicima)**

- (1) Za vrijeme izvođenja praktične nastave kod privrednog subjekta, učenik u skladu sa provedenim vremenom kod privrednog subjekta, može dobiti finansijsku nagradu koju isplaćuje privredni subjekt.
- (2) Visina nagrade iz stava (1) ovog člana određuje se prema internim aktima privrednog subjekta.

Član 12.**(Obezbjedenje sredstava za rad učenika i ostale naknade)**

- (1) Privredni subjekt je učeniku koji obavlja praktičnu nastavu kod njega obavezan staviti na raspolaganje:
 - a) odgovarajuću radnu odjeću i zaštitnu opremu ukoliko je ova obaveza predviđena važećim propisima o zaštiti na radu i/ili internim aktima privrednog subjekta;
 - b) materijal, mašine, alate i ostale sredstva neophodna za izvođenje praktične nastave;
- (2) Privredni subjekt može preuzeti i obavezu da učenicima isplati naknadu za troškove prevoza i/ili dodatno osigurati učenika od posljedica nesretnog slučaja koje nastupe tokom obavljanja praktične nastave kod privrednog subjekta, odnosno preuzeti na sebe obavezu osiguranja učenika u skladu sa svojim internim aktima, Ugovorom o saradnji i Ugovorom o izvođenju praktične nastave.

Član 13.**(Mentor)**

- (1) Mentor je lice koje ima minimalno III ili IV stepen obrazovanja i radno iskustvo u struci u trajanju od najmanje pet godina ili minimalno V stepen obrazovanja i radno iskustvo u struci u trajanju od najmanje tri godine;

(2) Mentor u saradnji sa koordinatorom i nastavnikom praktične nastave obavlja sljedeće poslove:

- a) planira prijem učenika na praktičnu nastavu kod privrednog subjekta;
- b) organizuje proces učenja kod privrednog subjekta i raspoređuje učenike na neophodne radne aktivnosti praktične nastave u cilju sticanja stručnih znanja i vještina;
- c) upoznaje učenika sa zaštitom na radu u skladu sa internim propisima privrednog subjekta i propisima koji regulišu ovu oblast;
- d) učestvuje u izradi i prati realizaciju Plana izvođenja praktične nastave;
- e) nadgleda i organizuje rad učenika kod privrednog subjekta;
- f) vodi potrebnu evidenciju o praktičnoj nastavi učenika kod privrednog subjekta;
- g) učestvuje u ocjenjivanju učenika;

Član 14.

(Koordinator i nastavnik praktične nastave)

- (1) Koordinator i nastavnik praktične nastave su lica koja:
 - a) su zaposlena u školi na poslovima izvođenja praktične i/ili stručno-teorijske nastave,
 - b) imaju radno iskustvo u struci u trajanju od najmanje pet godina,
 - c) imaju položenu pedagoško-psihološko-didaktičko-metodičku grupu predmeta.
- (2) Djelokrug poslova koordinatora i nastavnika praktične nastave utvrđeni su Zakonom, nastavnim planom i programom i Pedagoškim standardima.

III. OVLAŠTENJA I OBAVEZE AKTERA UKLJUČENIH U ORGANIZACIJU I IZVOĐENJE PRAKTIČNE NASTAVE KOD PRIVREDNOG SUBJEKTA

Član 15.

(Ovlaštenja i obaveze Ministarstva)

U cilju organizacije, izvođenja i praćenja praktične nastave kod privrednog subjekta, Ministarstvo ima sljedeća ovlaštenja i obaveze:

- a) donošenje nastavnih planova i programa za zvanja/zanimanja u srednjem stručnom obrazovanju i obuci;
- b) vođenje evidencije o izvođenju praktične nastave kod privrednih subjekata;
- c) odlučivanje o svim pitanjima koja nisu regulisana ovim Pravilnikom ili drugim propisima, a tiču se organizacije i izvođenja praktične nastave kod privrednog subjekta.

Član 16.

(Ovlaštenja Privredne komore)

- (1) Privredna komora Zeničko-dobojskog kantona (u daljnjem tekstu: Komora) pruža u što je moguće većoj mjeri podršku pri organizaciji, izvođenju i praćenju praktične nastave kod privrednog subjekta i njenom unapređenju, što se naročito ogleda u sljedećim ovlaštenjima Komore:
 - a) poticanje i informisanje privrednih subjekata o učešću u izvođenju organizacije praktične nastave;
 - b) pružanje podrške i pomoći privrednim subjektima u procesu izvođenja praktične nastave;
 - c) sprovođenje ispitivanja i istraživanja o potrebama privrednih subjekata, zahtjevima i mjerama poboljšanja praktične nastave;
 - d) pružanje preporuka Ministarstvu o načinima unaprjeđenja praktične nastave kod privrednih subjekata;

Član 17.

(Ovlaštenja i obaveze privrednog subjekta)

- Privredni subjekt ima sljedeća ovlaštenja i obaveze u organizovanju i izvođenju praktične nastave:
- a) organizovanje implementacije Plana izvođenja praktične nastave i osiguranje uslova za ostvarenje ciljeva praktične nastave u zadanom roku;
 - b) imenovanje mentora;
 - c) stavljanje učenicima neophodnih sredstava za izvođenje praktične nastave na raspolaganje;
 - d) obezbjeđenje neophodnih mjera zaštite na radu učenika u skladu sa važećim propisima iz oblasti zaštite na radu;

- e) učestvovanje u ocjenjivanju učenika u skladu sa Zakonom i relevantnim podzakonskim aktima, u slučajevima kada je ta mogućnost propisana;
 - f) obezbjeđenje besplatne ishrane učenicima ili isplaćivanje odgovarajuće naknade za ishranu u skladu sa internim aktima privrednog subjekta, koja obaveza će se u svakom konkretnom slučaju regulisati Ugovorom o saradnji i Ugovorom o izvođenju praktične nastave;
 - g) saradnja sa koordinatorom i omogućavanje koordinatoru pristup mjestu izvođenja praktične nastave, kao i uvid u evidenciju izvođenja praktične nastave, na zahtjev škole;
 - h) vođenje pismene evidencije o izvođenju praktične nastave;
 - i) pružanje informacija o izvođenju praktične nastave na zahtjev Komore ili Ministarstva;
 - j) učestvovanje u rješavanju konfliktnih situacija;
 - k) osiguranje povjerljivosti ličnih podataka učenika u skladu sa važećim propisima o zaštiti ličnih podataka;
- (2) Privredni subjekt može dati učeniku samo one poslove koji osiguravaju sticanje znanja i vještina za određeni obrazovni profil u skladu sa nastavnim planom i programom i Planom izvođenja praktične nastave.
- (3) Detaljna ovlaštenja i obaveze privrednog subjekta u pogledu organizovanja i izvođenja praktične nastave definišu se Ugovorom o saradnji i Ugovorom o izvođenju praktične nastave.

Član 18. (Ovlaštenja i obaveze škole)

- (1) U cilju organizacije, izvođenja i praćenja praktične nastave, škola ima sljedeća ovlaštenja i obaveze:
- a) ostvarenje programskih sadržaja propisanih nastavnim planom i programom;
 - b) odrediti koordinatora praktične nastave koja se izvodi kod privrednih subjekata;
 - c) osiguranje da je u korist učenika, koji obavljaju praktičnu nastavu kod privrednih subjekata, zaključen ugovor o osiguranju u slučaju nezgode tokom obavljanja praktične nastave;

- d) vođenje evidencije o zaključenim Ugovorima o saradnji i Ugovorima o izvođenju praktične nastave;
 - e) saradnja sa privrednim subjektom i informisanje o učenicima koji pohađaju praktičnu nastavu kod privrednog subjekta;
 - f) ocjenjivanje učenika u skladu sa Zakonom i relevantnim podzakonskim aktima;
 - g) saradnja sa mentorom, obilazak mjesta izvođenja praktične nastave kod privrednog subjekta i vršenje uvida u evidenciju izvođenja praktične nastave;
 - h) pružanje informacija o organizaciji i izvođenju praktične nastave na zahtjev Komore ili Ministarstva;
 - i) učešće u rješavanju konfliktnih situacija;
 - j) osiguranje povjerljivosti ličnih podataka učenika u skladu sa propisima o zaštiti ličnih podataka;
 - k) osiguranje povjerljivosti privredne tajne privrednog subjekta;
 - l) obezbjeđenje izvođenja praktične nastave učenika u školskim radionicama, ukoliko se ista ne može provesti u prostorijama privrednog subjekta;
 - m) vođenje dnevnika rada praktične nastave koja se izvodi kod privrednog subjekta;
 - n) druga ovlaštenja i obaveze utvrđene Zakonom ili relevantnim podzakonskim aktima;
- (2) Ukoliko škola nije ispunila obavezu iz stava (1) tačka c) ovog člana, učenici ne mogu pohađati praktičnu nastavu kod privrednog subjekta, osim u slučajevima predviđenim ovim Pravilnikom.

- (3) Detaljna ovlaštenja i obaveze škole u pogledu organizovanja i izvođenja praktične nastave kod privrednog subjekta definiraju se Ugovorom o saradnji i Ugovorom o izvođenju praktične nastave.

Član 19. (Prava i obaveze učenika)

U pogledu izvođenja praktične nastave učenik ima sljedeća prava i obaveze:

- a) redovno pohađanje praktične nastave, te savjesno i odgovorno ispunjavanje radnih aktivnosti koje su mu dodijeljene;

- b) postupanje u skladu sa uputama i nalogima mentora ili drugih osoba ovlaštenih za davanje uputa i naloga, ukoliko je učenik upoznat s tim da su te osobe ovlaštene za davanje uputa i naloga;
- c) ponašanje u skladu sa uputstvima privrednog subjekta, te propisima o zaštiti i sigurnosti na radu i zdravstvenoj zaštiti, sigurnosti od požara, sanitarno-tehničkim i higijenskim zahtjevima;
- d) nošenje radne i zaštitne odjeće koju mu privredni subjekt stavi na raspolaganje;
- e) savjesno rukovanje alatom, mašinama i ostalom opremom i korištenje alata, mašina i ostale opreme samo u vezi sa povjerenim mu zadacima;
- f) poštovanje internih akata privrednog subjekta kod kojeg se izvodi praktična nastava i odredbi Pravilnika;
- g) čuvanje imovine i poslovne tajne privrednog subjekta za vrijeme obavljanja praktične nastave i nakon prestanka obavljanja praktične nastave;
- h) u slučaju izostanka sa praktične nastave kod privrednog subjekta, obavezno i bez odgađanja informisanje privrednog subjekta o izostanku te informisanje mentora o razlozima izostanka;
- i) druga prava i obaveze utvđene Zakonom i relevantnim podzakonskim aktima.
- c) obaveze privrednog subjekta u realizaciji praktične nastave i da će iste izvoditi o vlastitom trošku i odgovornosti;
- d) obaveze škole u realizaciji praktične nastave kod privrednog subjekta;
- e) Plan izvođenja praktične nastave;
- f) početak i trajanje izvođenja praktične nastave;
- g) maksimalan broj učenika koji je privredni subjekt u mogućnosti primiti;
- h) broj mentora koje obezbjeđuju privredni subjekt;
- i) mjesto i vrijeme izvođenja praktične nastave;
- j) obaveze stavljanja na raspolaganje materijala, mašina, alata i drugih uslova potrebnih za izvođenje praktične nastave;
- k) obaveze i prava mentora u poučavanju učenika i ostvarivanju Plana izvođenja praktične nastave;
- l) odredbe o disciplinskoj odgovornosti i odgovornosti za štetu učenika;
- m) period trajanja ugovora;
- n) razloge za prestanak važenja i za raskid ugovora;
- o) način rješavanja eventualnih sporova;
- p) datum i potpis ugovornih strana;
- r) druga međusobna prava i obaveze ugovornih strana.

IV. UGOVORNO REGULISANJE PRAKTIČNE NASTAVE KOD PRIVREDNOG SUBJEKTA

Član 20. (Vrste ugovora)

Pri obavljanju praktične nastave kod privrednog subjekta, zaključuju se dvije vrste ugovora:

- a) Ugovor o saradnji;
- b) Ugovor o izvođenju praktične nastave;

Član 21. (Sadržaj Ugovora o saradnji)

- (1) Ugovor o saradnji sadrži sljedeće:
 - a) podatke o ugovornim stranama;
 - b) obrazovni profil koji je predmet ugovora;

- (2) Prilikom izbora privrednog subjekta škola je u obavezi da se rukovodi najboljim interesom učenika.
- (3) Evidenciju zaključenih Ugovora o saradnji vodi škola.
- (4) Obrazac Ugovora o saradnji koji se zaključuje između škole i privrednog subjekta sastavni je dio ovog Pravilnika.

Član 22. (Sadržaj Ugovora o izvođenju praktične nastave)

- (1) Ugovor o izvođenju praktične nastave sadrži sljedeće:
 - a) podatke o ugovornim stranama;
 - b) identifikacione podatke o školi;
 - c) obrazovni profil za koji se učenik školuje;

- d) dokaz o posjedovanju opće zdravstvene sposobnosti i dokaz o zadovoljenju propisanih zdravstvenih uslova za otpočinjanje sa praktičnom nastavom (ljekarsko uvjerenje i sanitarna knjižica, ukoliko je sanitarna knjižica neophodna za obavljanje praktične nastave);
 - e) obaveze i odgovornosti privrednog subjekta iz člana 17. ovog Pravilnika;
 - f) Plan izvođenja praktične nastave;
 - g) početak i trajanje praktične nastave kod privrednog subjekta;
 - h) prava i obaveze učenike;
 - i) mjesto i vrijeme izvođenja praktične nastave;
 - j) podatke o mentoru kojeg obezbjeđuje privredni subjekt;
 - k) vrijeme provođenja praktične nastave učenika kod privrednog subjekta;
 - l) obezbjeđenje sredstava za rad učenika i drugih naknada učenika u skladu sa članom 13. ovog Pravilnika;
 - m) odredbu o osiguranju učenika u slučaju nezgode na radu;
 - n) odredbu o disciplinskoj odgovornosti i odgovornosti za štetu učenika;
 - o) vrijeme trajanja ugovora;
 - p) razloge za prestanak važenja i raskid ugovora;
 - q) obaveze učenika i privrednog subjekta u slučaju raskida ugovora;
 - r) način rješavanja eventualnih sporova;
 - s) datum i potpis ugovornih strana;
 - t) druga međusobna prava i obaveze ugovornih strana.
- (2) Škola je dužna da vodi evidenciju o ugovorima o izvođenju praktične nastave koji se zaključuju između privrednog subjekta i učenika.
- (3) Obrazac ugovora o izvođenju praktične nastave je sastavni dio ovog Pravilnika.

Član 23.

(Raskid Ugovora o izvođenju praktične nastave)

- (1) Ugovor o izvođenju praktične nastave može se raskinuti sporazumno, na zahtjev učenika ili njegovog roditelja/staratelja, škole ili na zahtjev privrednog subjekta.
- (2) Učenik ili njegov roditelj/staratelj imaju pravo raskida Ugovora o izvođenju praktične nastave u sljedećim slučajevima:
- a) ukoliko privredni subjekt ne ispunjava ugovorne obaveze,
 - b) ako privredni subjekt prestane da ispunjava uslove za izvođenje praktične nastave odnosno odgovarajućeg dijela praktične nastave;
 - c) u slučaju prestanka statusa redovnog učenika škole u skladu sa Zakonom;
 - d) ako se učeniku promijenilo zdravstveno stanje, te prema mišljenju nadležne zdravstvene ustanove nije u mogućnosti nastaviti obrazovanje za obrazovni profil za koji se školuje;
- (3) Ugovor o praktičnom obrazovanju se smatra raskinutim ukoliko privredni subjekt ne omogući učeniku izvođenje praktične nastave odnosno dijela praktične nastave u ugovorenom roku.
- (4) Privredni subjekt može raskinuti ugovor o izvođenju praktične nastave u sljedećim situacijama:
- a) ako je ugovor bio zaključen na osnovu lažnih podataka i dokumenata;
 - b) ako učenik bez opravdanih razloga učestalo izostaje s praktične nastave, u skladu sa Zakonom odnosno Pravilima škole;
 - c) ako se učeniku promijenilo zdravstveno stanje, te prema mišljenju nadležne zdravstvene ustanove nije u mogućnosti nastaviti obrazovanje za obrazovni profil za koji se školuje;
 - d) ako učenik krši dužnosti koje su određene Zakonom i drugim propisima, ugovorom o izvođenju praktične nastave te internim propisima privrednog subjekta;
 - e) u slučaju prestanka statusa redovnog učenika u skladu sa Zakonom;

- (5) Škola može raskinuti ugovor o izvođenju praktične nastave u sljedećim slučajevima:
- ukoliko privredni subjekt ne ispunjava ugovorne obaveze;
 - ukoliko privredni subjekt prestane da ispunjava uslove za izvođenje praktične nastave odnosno dijela praktične nastave definisane ovim Pravilnikom i Zakonom,
- (6) U slučaju da je Ugovor o izvođenju praktične nastave raskinut zbog nemogućnosti ispunjavanja ugovornih obaveza od strane privrednog subjekta, škola će učeniku omogućiti zaključivanje novog ugovora s drugim privrednim subjektima.
- (7) Ako škola ne omogući učeniku obavljanje praktične nastave kod drugog privrednog subjekta, učenik ima pravo da nastavi praktičnu nastavu u školskim radionicama.
- (8) U svim slučajevima raskida Ugovora o izvođenju praktične nastave osim u slučaju predviđenim stavom (3) ovog člana, strana koja raskida ugovor, dužna je suprotnoj strani ostaviti naknadni rok od 15 dana za ispunjenje ugovornih obaveza.
- (9) Ukoliko istekom roka iz prehodnog stava ovog člana suprotna strana ne ispuni svoje obaveze, nastupit će posljedice raskida ugovora.
- (10) Obrazac raskida Ugovora o izvođenju praktične nastave je sastavni dio ovog Pravilnika.

Član 24.

(Raskid Ugovora o saradnji)

- (1) Ugovor o saradnji se može raskinuti sporazumom ugovornih strana, ili na zahtjev škole ili privrednog subjekta.
- (2) Škola ima pravo raskida Ugovora o saradnji u sljedećim slučajevima:
- ukoliko privredni subjekt ne ispunjava ili zakasni sa ispunjenjem ugovornih obaveza;
 - ukoliko privredni subjekt prestane da ispunjava uslove za izvođenje praktične nastave odnosno dijela praktične nastave definisane ovim Pravilnikom i Zakonom,
- e) ukoliko nad privrednim subjektom bude pokrenut postupak stečaja ili likvidacije, odnosno odgovarajući postupak koji za cilj ima prestanak postojanja privrednog subjekta;
- f) ukoliko poslije zaključenja Ugovora o saradnji nastupe okolnosti koje otežavaju ispunjenje obaveze jedne strane, ili ako se zbog njih ne može ostvariti svrha ugovora, a u jednom i u drugom slučaju u toj mjeri da je očigledno da Ugovor o saradnji više ne odgovara očekivanjima ugovornih strana i da bi, po opštem mišljenju, bilo nepravično održati ga na snazi (promijenjene okolnosti);
- g) u drugim slučajevima predviđenim Zakonom o obligacionim odnosima FBiH.
- (3) Ugovor o saradnji se smatra raskinutim ukoliko privredni subjekt ne omogući učenicima izvođenje praktične nastave odnosno dijela praktične nastave u ugovorenom roku.
- (4) Privredni subjekt ima pravo raskida Ugovora o saradnji u sljedećim slučajevima:
- ukoliko škola ne ispunjava ili zakasni sa ispunjenjem ugovornih obaveza;
 - ukoliko poslije zaključenja Ugovora o saradnji nastupe okolnosti koje otežavaju ispunjenje obaveze jedne strane, ili ako se zbog njih ne može ostvariti svrha ugovora, a u jednom i u drugom slučaju u toj mjeri da je očigledno da Ugovor o saradnji više ne odgovara očekivanjima ugovornih strana i da bi, po opštem mišljenju, bilo nepravično održati ga na snazi (promijenjene okolnosti);
 - u drugim slučajevima predviđenim Zakonom o obligacionim odnosima FBiH.
- (5) U svim slučajevima raskida Ugovora o saradnji osim u slučaju predviđenim stavom (3) ovog člana, strana koja raskida ugovor, dužna je suprotnoj strani ostaviti naknadni rok od 15 dana za ispunjenje ugovornih obaveza.
- (6) Ukoliko istekom roka iz prethodnog stava ovog člana suprotna strana ne ispuni svoje obaveze, nastupaju dejstva raskida ugovora.
- (7) Raskid Ugovora o saradnji ima za posljedicu prestanak Ugovora o izvođenju praktične nastave.

V. OCJENJIVANJE, ZAVRŠNI ISPIT I MATURA**Član 25.**
(Ocjenjivanje učenika)

- (1) Napredovanje učenika tokom izvođenja praktične nastave kod privrednih subjekata, kontinuirano prati mentor u saradnji sa koordinatorom i nastavnikom praktične nastave.
- (2) Procedura i način ocjenjivanja učenika se vrši u skladu sa nastavnim planom i programom određenog obrazovnog profila, Zakonom i relevantnim podzakonskim aktima.

Član 26.
(Završni ispit i matura)

Na uslove, sadržaj, način organizacije i druga pitanja u vezi sa polaganjem završnog ispita i mature primjenjuju se Zakon i važeći podzakonski propisi.

VI. ZAVRŠNE ODREDBE**Član 27.**
(Stupanje na snagu)

Pravilnik stupa na snagu osmog dana od dana njegovog objavljivanja u „Službenim novinama Zeničko-dobojskog kantona“, a primjenjivat će se od školske 2019/2000. godine.

Broj: 10-38-4032/19.
Datum: 18.03.2019. godine
Zenica

MINISTAR
Mensur Sinanović, s.r.
